



## Universitätsbibliothek Paderborn

**Disputationes|| ROBERTI BELLAR-||MINI E SOCIATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

XIX. Non posse conciliari Catholicos cum hæreticis.

[urn:nbn:de:hbz:466:1-53880](https://nbn-resolving.de/urn/resolver.pl?urn=urn:nbn:de:hbz:466:1-53880)

nec habebat Regem verè Iudæum, qui ista curaret, sed Iuda-  
mæum Herodem, Pontifices autem nihil poterant.

**TERTIO**, libertas credendi perniciosa est etiam tempo-  
rali bono regnorum, & publicæ paci, ut pater primū ex  
Gregorio lib.4. epist.32. vbi dicit, Reipublicæ ciuilis incolu-  
mitatem, ex Ecclesiæ pace pendere. **D E I N D E** ratione, nam  
vbi seruatur fides & obedientia Deo, ibi etiam seruatur Prin-  
cipi; nam fides ipsa hoc docet & exigit. **I T E M** dissensio in-  
de parit animorū & voluntatum dissensiones: omne aum-  
regnum in seipsum diuisum, desolabitur; & experientia no-  
stri temporis adeò manifestè hoc ostendit, ut frustra id pro-  
bare nitamur.

**QVARTO**, libertas credendi perniciosa est illis ipsis, qui  
bus conceditur; nam libertas credendi nihil est aliud, quam  
libertas errandi, & errandi in re omniū periculosis; nam  
fides vera non est, nisi vna, Ephes. 4. Vna fides, ergo libertas  
ab ista vna fide recedendi, est libertas in errorum barathrum  
ruendi. Sicut ergo salubriter non permittitur ouibus libe-  
tas vagandi per montes, & salubriter non liberatur gubernaculo,  
nec finitur liberè à quolibet vento circumferri nauis;  
ita quoque salubriter non conceditur populis liberas  
credendi, posteaquam vni veræ fidei se adiunxerunt. <sup>Ago-</sup>  
menta soluentur in sequenti Quæstione.

## C A P V T X I X.

### *Non posse conciliari Catholicos cum here- ticis.*

**E**RITIVS error est Gregorij CASSANDRI in  
libro de officio pīj viri, vbi docet, debere Princi-  
pes inuenire rationem pacis inter Catholicos,  
Lutheranos, Caluinistas, &c. Sed interim dum  
non inueniunt, debere permettere vnicuiq; suam fidem, mo-  
dò omnes recipient Scripturam & Symbolum Apostolicum.  
Sicenim omnes sunt vera Ecclesiæ membra, licet in particu-  
laribus dogmatibus dissentiant. Similia docuerunt olim pa-  
cificantes, auctore Zenone Imperatore, de qua re vide Ega-  
rium, lib.3. cap.14 & 30. Item Apelles, qui apud Eusebium  
lib.5.

lib. 5. hist. cap. 13. dicebat, non esse discutiendam rationem fidei, sed sibi credere in crucifixum. Hic est manifestus error, & contra eum scripsit ex Catholicis Doctoribus Ioannes à Louanio, ex hæreticis Ioannes Caluinus.

Potest autem facile refelli hæc sententia; primum enim, non possunt Catholici, Lutherani, & Calvinistæ eo modo conciliari; nam in ipso Symbolo non conuenimus, exempli gratia, per articulum: *Descendit ad inferos*, diuersissima intelligimus; nos enim credimus, Christi animam à corpore separatam, secundum substantiam suam descendisse ad Limbum Patrum; hæreticorum alij, volunt descendisse Christum ad inferos, nihil esse aliud, quam sepultum fuisse; alij passum dolores inferni. Similiter articulum: *Credo sanctam Ecclesiam*, diuersis modis intelligimus. Et illud etiam: *Sanctorum communionem*; nam de singulis Sacramentis sunt controversiae. Denique de illo: *Remissionem peccatorum*, maximè dissentimus.

Dicit Cassander, sat est, quod omnes fatemur, Symbolum esse verum, & illud recipimus.

Contra; PRIMO, Symbolum vnum est, & non in verbis, sed in sensu est fides, non ergo habemus idem Symbolum, si in explicatione dissidemus; præterea si sufficeret verba Symboli recipere, nulli ferè veterum hæreticorum iure damnati fuissent. Nam Ariani, Nouatiani, Nestoriani, & alijs ferè omnes verba Symboli Apostolici recipiebant, sed quia in sensu dissensio erat, ideo damnati, & ab Ecclesia Catholica ciecti fuerunt.

SECUNDΟ, fundamentum Cassandri est falsum; non enim possunt vera membra Ecclesiæ vocari Lutherani & Calvinistæ, etiam si in Symbolo nobiscum conuenirent; nam præter illam fidem requiritur subiectio ad legitimū caput Ecclesiæ à Christo constitutum, & communicatio cum aliis membris, Ecclesia enim est unum corpus visibile, & proinde caput & membra habet visibilia, nec potest dici membrum, quod à capite & corpore reliquo separatum est. Certe Aëtius, etiam quoad sensum, in Symbolo conueniebat 98 cum Catholicis, tamen quia nolebat subesse Episcopo, & ceteris membris communicare, ab Epiphanio & Augustino in Catalogo hæreticorum ponitur, & Cyprianus libro 4. e-

pist. 2. dicit, Nouatianum esse extra Ecclesiam, quia non tolerabat subiici Pontifici Cornelio, etiam si nullam aliam heresim introduxisset.

**TERTIO**, Cassander ita disputat, quasi inter Catholicos, Lutheranos, & Calvinistas solum dissensiones sint de ritibus & ceremoniis humanis; at multa dogmata sunt maximi momenti, in quibus dissentimus, quaeque non habentur expressae in Symbolo, & propter quae nulla pax sperari potest inter Catholicos, & Lutheranos. Nam verbi gratia, nos dicimus, Missam esse diuinissimum cultum Dei; illi dicunt esse horrendam idolatriam: similiter invocare Sanctos nobis est pius, illis impietas, &c.

**QUARTO**, sancti Patres docuerunt nos, ut non solum symbolum, sed etiam omnia alia dogmata fidei, licet minutamente videantur, in uiolata seruemus, nec propter haereticos vel modo immutari patiamur, Gal. 2. Paulus dicit, se nec ad horam cedere voluisse falsis fratribus. Et cum olim Ariani peterent a Catholicis, ut saltem unam vocem omitterent, quae non habetur in Scriptura, nec in Symbolo Apostolorum, vel una litera immutarent, id est, non dicerent ομοιστον, sed ομοιστον, & si hoc fieret, pacem pollicerentur; Catholici noluerunt, & Imperatori scripserunt, nefarium esse de rebus iam definitis aliquid immutare; & si quid iustum sanguinem fuerit immutatum, non propterea pacem futuram; nec enim apud eos pacem esse posse, qui pacis iura nescirent. vide Theodoretum lib. 2. histor. cap. 18. & 19. vel Trip. lib. 5. cap. 21. & 23. & hoc verum esse patuit in Concilio Ariminensium cum simpliciores Catholici ab Ariani decepti, nomen ομοιστον tollendum esse decreuissent, mox Ariani toto orbite terrarum praedicauerunt, se viciisse, & non contenti sustulisse vocem ομοιστον, & pro ea substituisse ομοιστον, paulo post ipsum ομοιστον, in επειστον, id est, dissimilis substantia, transformarunt, ut Theodoretus refert lib. 2. histor. cap. 21.

Hinc Basilius roganti Praefecto Valentis Imperatoris, ut tempori pareret, & non tot Ecclesias, propter paruam dogmatum subtilitatem, vexari pataretur, respondit: *Quis diuinis innaturae sunt eloquias, corrumpere de diuinis dogmati- bus,*

bus, ne s̄nam quidem syllabam patiuntur, sed pro his, si contingat, omnes etiam mortis species amplectuntur. Vide Thedorétū lib. 4. cap. 17. historiæ Ecclesiasticæ. Eadem constanza prædicti fuerunt Eustachius & Sylvanus, quibus cùm Imperator exilium minaretur, nisi vocem, ὥμορστον, abrogarent, responderunt, potestatem habes puniendi, non tamen nos Patrum statuta destruimus. vide histor. Tripart. libro 5. cap. 24.

Denique GELASIVS in epistola ad Euphemianum, pententi hæretico, ut Papa eis condescenderet, id est, aliquid remitteret de religione Catholica, pacis gratia, eleganter eius petitionem irrisit: Cūm autem, inquit, dicas, condescendere nos debere vobiscum: interim iam vos descendere, aut descendisse monstratus; Vnde, quæso, vel quò ista descensio est? Vtique ex superiori quodam loco ad inferiora qua&q; depositos, à Catholica, Apostolicaq; cōmunione ad hæreticam, damnata m̄q; prolapsos videtis, cognoscitis, non negatis: sed etiam in superiore manentes sede, vultis impelle, condescendere nos vobiscum in uitatis ad ima de summis; nos coascendere vos nobiscum rogamus ad summam de imis.

QVINTO, non potest liberum esse credere in uno quolibet dogmate, quin eadem ratione liberum esse debeat in omnibus, etiā in iis, quæ in Symbolo Apostolico continentur; nam vna est regula fidei indubitata, & certa in omnibus quæ creduntur, nimirum verbum Dei per Ecclesiam explicatum. Si ergo credo Ecclesiæ tradenti mihi Symbolum Apostolorum, quod non scio aliunde esse Apostolorum, nisi quia Ecclesia dicit; eadem ratione credere debo Santos inuocandos, quia eadem Ecclesia hoc dicit; vel si hoc possim non credere, eadem ratione possum non credere, Symbolum illud esse Apostolorum.

SEXTO, opinio ista Cassandri noua est, & ab ipso primū excogitata, ut ipse initio fatetur, suspecta igitur haberi debet. Ut enim pulchrè docet Vincentius Lyrinensis in suo opusculo contra prophanas nouitates, suspicione care non potest, quod nouum est, cūm vera fides vna sit, & antiquissima.

SEPTIMO, ista opinio facit veram Ecclesiam omnino occultam & inuisibilem; immò ex solis adulatoribus & si-

mulatoribus conflatam; nam Cassander dicit, ad veram Ecclesiam requiri duo, fidem in Christum, & pacem cum hominibus, & inde deducit eos, qui hostiliter insectantur Catholicos, vel Lutheranos, non esse de Ecclesia, sed eos solùm, qui cum omnibus pacem habent: ergo illi, qui sunt de Ecclesia, non possunt esse nisi occulti, & qui cum Catholicis simulant se hostes Lutheranorum, & cum Lutheranis hostes Catholicorum; nam Catholici non patiuntur in suo gregi villo, qui ostendunt villo signo externo, se fovere Lutheranis inter Lutheranos quoque, et si permittuntur in iisdem provinciis omnes sectæ, tamen nulla secta in suo grege patitur amicos aliarū sectarum, ut notum est: ergo isti p̄ij, & pacifici viri necessariò sunt omnes facti & simulati, aliud ore profitentes, aliud in corde cælantes, & similes Herodi, qui cum Ethnicis erat Ethnicus, cum Iudeis Iudeus; nam & Cæsar templo erexit, & simul Deo vero, ut Iosephus refert lib. 15. Antiquitat. cap. 13. & 14.

Adde, quod fateretur Cassander, suos istos collegas esse paucos & occultos, sed hinc appareat, eos non posse Ecclesiam constituere; nam Ecclesia est manifesta & visibilis adeo, ut à Domino Matth. 5. dicatur ciuitas supra montem posita. Denique, vera Ecclesia sine Pastoribus esse non potest, ad Ephes. 4, isti autem homines occulti nullos pastores habent, nec habere possunt, dum ita manent occulti; proinde nullam Ecclesiam habent.

## C A P V T X X.

*Libros hæreticorum abolendos esse.*

**P**O STREMA restat quæstio de poenitentiis hæreticorum, quas post Ecclesiae iudicium & declaracionem, Principes politici infligere possunt ac debent. Incipiemus autem à libris eorum, ac breviter ostendemus, libros hæreticorum iure interdici, & exori. Id igitur probatur PRIMO ex antiqua & perpetua consuetudine, non solùm Christianorum, sed etiam Ethnicorum.

PRIMO, refert Valerius Maximus lib. 1. cap. 1. quod cum Romæ reperti fuissent libri quidam, qui non nihil videbantur